



Mamautari Newsletter

MFMRD Bairiki, Tarawa P.O Box 64 Phone no: 21099 Fax no: 21120

**Volume 2 Issue 27, 29th
March, 2011**

Kanoan am Beeba iteranibaa

Ana bwai n tangira OFCF 1

Ana kakauring te Botaki n Akawa
iaon te nganga ma akawa aika urub-
wai 2

Kamaeuan te Tiiwita I Abemama 3

Bwain n tangira man ESTA Project
nakon taian reirei 4

Reitan kanoan ana bwaintangira
OFCF nakon Tautaeka ni Kiribati 5

Tabo ni karao iika ae boou 6
Rongorongo aika kimototo

Kanoan am Beeba... iteranibaa

***Reitan ana kauring Te Botaki n
Akawa*** 2

***Reirei ni kataneaia irouia uoman
Fisheries Assistants*** 3

Reitan ana kanoa te ESAT Project 4

Ana auti ni kamwaitoro Abemama 5

Kaubwain CPPL 6

Koro nanon ana kora n kaeti Good and Services, ana buoka te Tautaeka n Tiaban nakon te Tautaeka n Kiribati rinanon te rabwata ae OFCF (Overseas Fishery Cooperation Foundation of Japan).



Mr Seiji Ankyu mai Tiaban ao Te Tia Koroboki n te Botaki n Akawa Ribanataake Awira ngke a tiainai beebwan bwaintangira

E a tiainaaki n te Katenibong 16 bongin Maati n te Lagoon Club i Ambo beebwan bwaai n tangira ake a roko inanon wiiki aika a nako ake bon ana buoka te Tautaeka n Tiabaan nakon te Tautaeka n Kiribati rinanon ana botaki n mwakuri ae Te Botaki n Akawa ma Karikirakean Kaubwaira man ara Marawa.

A bon mwaiti aekakin nako kanoan bwaain tangira aikai ma bwaai ake a

rangi n katuruaki moa karekeai n te tai aio bon buokan taian auti ni kamwaitoro ake iaon aba n aron te aiti bwaoki, taian booti ma taian intin, te tianaraita. Tiaki tii ngaia ma bon iai naba buokan te reirei ae Saint Joseph College are i Abaiang ae bwaai ni mwakuri ibukin karaoakin te waa ibukin karekean rabakauia ataein te reirei bwa ana rabakau ni kaba a waa ...reitana n itera ni baa 5

Kainnanaoki onoman taan mwakuri bwa ana katabwenaa te tabo n karao iika ae boou reirei are e na bwaibwai iai ana kambwana Kiribati ae te Central Pacific Producers Limited (CPPL) ma uoua kambwana riki mai itinaniku. Warekia n itera ni baa 6

FISHERIES DIVISION

Kakauring nakoia aomata ibukin te nganga

Iika raa ae a kona ni karekea te nganga?

Angiia ikan te rakai a kona ni nganga ma iai tabeua ae a rangi n ataki mani kinaki ibukin ngangaia. E katautauaki bwa e nakon 400 tabun aekan iika aika a kona ni nganga. E kakoauaki bwa man iika aika a nganga aikai ao e korakora riki ngangan ake a bubura. N te Betebe-teke ao a rangi n ataki, tenan kuau, rereba (urua), utuun nako te ingo, tenaan rabono ma nunua bwa angiin te tai ao a nganga. E bon kakaokoro iika n tabo nako aika a nganga. Te Botaki n Akawa e na boni kona ni buokiko n aio ao n reitaki naba ma aia atatai taan akawa are a maan n akaakawa n te atimwakoro are ko mena iai. E bon kona naba ni iai taai inanon te ririki ae korakora iai te nganga. Reken te nganga n te tabo teuana ae aki kona n ataki raoi ao e kona naba n ewe manin te tabo teuana nakon te tabo teuana.

E bon kuri ni kanganga reken te nganga irouia ikan marawa n aekakin te ingimea, te ati, te raku, ma iika ni katokitoki (te bukinrin te ikakoa).

A rereke iaa ika aika nganga?

Ika aika nganga a bon kona ni kuneaki iaon rakai, inanon te nama, ao irarikin toongo. E kona n reke te nganga ni mwakoron te rakai, ke te maran, ke te nama ae ti teuana. E boni kona naba ni bibitaki nnen te nganga aikai, ngaia are te tabo ae e aki nganga n te ririki aio e kona ni manga nganga n te ririki are imwina. E kona naba ni nganga aekakin iika tabeua n te rakai teuana ao ni manga aki nganga n rakai tabeua iaon te abamwakoro ae ti teuana.

Nna kanga ni kina te ika ae nganga?

KONA BON AKI KONA NI KINA. Te ika ae nganga bon ti tebo tarakina ma iika aika aki nganga. Karinana n te aitibaoki, kaburoana, tariakina ma taawaakina e bon aki kona ni katoka ngangana.

Tabeman aomata a taku bwa e kona ni kinaki te ika ae nganga ngkana e aki tikuria te nango ke ngkana e karorooa ao ni kaburaatia te buun ae tirewa irikon te ika anne. KOAUA AIKAI NI KABANE A BON BANE NI KAIRUA.

Bon iai bwain tuoakin te ika ae nganga ae e a tia ni karaoaki ma e bon tuai rangi n nakoraoi.

Nna kanga n ataia bwa e reke irou te nganga?

Kona ko na n namakina angin te nganga imwin 2 nakon te 12 te aoa imwiin kanakin te ika ae nganga.

Kanikinaa aika ana reke iroum bon:

Te kanimumuta, te mumuta, te bekanako ao te maraki ni biroto: Te kani kamate ao ewaewaraki, riam, bairim, baim, rangam ao kunim.

Namakinan buen baim ngkana ko ringa te ran ae mwaitoro.

Marakin toman riim ma matiretin rabwatam.

Te maraki n atuu, te kai kua, te maonotiti ao te biua.

Te ngongo
Kerikakin birin buroom.

Te Kauring

Aekakin nako akawa ake a urua te rakai ma te ane ma maeuia iika i taari a bon bane n aranaki bwa akawa aika urubwai. Aikai katoto tabeua n aekakin akawa aika a urua maeuraoin te ika ma te rakai.

- Te akawa ae te ororo e uru-bwai nakoia iika n te aro are a kona ni katakakaia iika. E urua aroia iika ake anang tauraoi ni manga kaabung n te tai anne.

- Urubekean taian rakai ma te ane n te akawa ae te Katebe bon uruan maeuia iika ake a mamaeka n te rakai.

- Kabonganakin wakaan te aroka ae te uti ma kunin Ten Tabanebane bon te boitin ae rang korakora iai ao are a bon kona n tiringii iika.

Ao ai ni ikotaki ma karebwean baura i taari ibukin taian rawa n roro, a tiringii iika ao n urua aron ana Otabwanin taari

Te ane ma te rakai ana manga iangoa maeuia ao tao iraua te ririki manga rikirakeia are ana tau nakon manga te kaabung.

Te rakai ke te ane bon ngaia te tia katauraoa te amarake ibukira ni katoa bong. Ngkana ti bon aki kawakinna ao ti bon bakataea maeura.



Kakamwakuri man te Fisheries Division

Man te atai

Uoman Fisheries Assistant aika Max Peter ao Bobai Tebania ake a tibwa karekei aia beebwa ae te Fisheries Training Certificate bon inanon te namwakaina ae nako aei ao are a manga mena ngkai i Nelson Maritime School i Wellington Nutiran ibukin karaoan te kataneiai iaon itera aika mwaiti ao n rangi n bongana n aron te kataneiai iaon te kamarurung, aron te tiri ai ma aron te kamaeu, te rabakau n te akawa, te mwakuri ma te roobu ma aron te mwakuri ma bwaai aika a maeu man te intin ao ai te mwakuri ma mwaben taari ao ai nikotaki ma te reirei te mwakuri ma te kombiuta.

N ana kabwarabwara Max are e taekinna rinanon te kombiuta (email) ao e katerea ae bon kakauoman man aaba aika Samoa, Tonga, Solomon Islands, Cook Islands, Nauru, Niue, Tokelau ao ai ngaiia uoman man te Botaki n Akawa mai Kiribati ma iai rakan ana mwaiti Kiribati bwa iai uoman ake a iri man te Fisheries Training Centre are i Bikenibeu aika Bauro Uerem ao Tebarine Raatu

Te boto ni iango iaon te reirei ni kataneiai aio bwa bon karababaan riki te rabakau iaon te akawa are e na buokiia taan akawa man aban Tebetebeke nako ake a ira te reirei aio ma tararuaan kaubwain marawa ao ai aroia ngkana a kaaitara ma kanganga aika karina n reke inanon marawa ao a bon mwaiti.

E taekinna riki Max ae 13 te wiiki maanin aia reirei aio ao a katautauaki bwa ana karairaki nako Kiribati inanon May n te ririki aio. N reitaki riki ma anne ao kabane mwane ibukin boon tikuiia naakai ma boon kanaia inanon te manna ae 13 te wiiki a bon bane n kaboaaki man te Tau-taeka n Nutiran.

2 bukin unikakin te Tiiwita iaon aba – Buokan aia kareke tianti kain aonnaba ao ana kakae te Botaki n Akawa iaon maeuraoin te Tiiwita

E a tia ni manga karoko naba i Abemama ana tiim te botaki n akawa ibukin unikan te Tiwiita n te abamwakoro anne.

N ana kabwarabwara Mweia Nawere, te Fisheries Assistant iaon mwanangaia are a karaoia nako Abemama inanon banen Beberuare nakon moan Maati ibukin unikan te Tiiwita n te abamwakoro anne ao e kabwarabwara ae a tia n ununiki n kaawa aika 5 bwa Tabiang, Kariatebike (kaawan te Tua), Mwanoku, Kabangaki ao ai Abatiku. E kabwarabwara ae kaka 30 te rain are a tia n unikii n kaawa akanne ma tii Kariatebike ae raka bwa 45 iai aia rain are nanona bwa bootan ngkanne te tiwita ae e unikaki i Abemama bon 5,700.

E reitia naba n kabwarabwara ae reitan aia waaki n ununiki aio bon karaoan te kakae iaon maeun taian tiwita ake a tia n unikaki. Waaki aika 2 aikai bon buokan aia kareke tianti kain buuki.ao ai buokan naba te kakae man ana itera te botaki n akawa iaon kabotauan maeun te Tiwiita iaon abamwakoro ake a tia n unikaki iai n te aro bwa e na ataaki bwa namwakaina raa aika a maeu raoi iai Tiiwita ao namwakaina raa aika aaki bati n maeuraoi iai Tiiwita. Aio are bon ana katautau te Botaki n

Akawa ae iai taai aika maeuraoi iai Tiiwita ao iai naba taai aika a mate iai ai ngaia are abamwakoro ake a tia n unikaki iai tiwita a bon karaoaki ibukin buokaia kain aonnaba ao ai ni ikotaki ma te kakae n te itera aio are e na karaoaki inanon te maan ae 1 te ririki.

Te waaki n ununiki ao ni kakae aio are e na bon tii karaoaki n abamwakon Kiribati ake iai namaia kioina ngkai te tiwita e bon tii maeu inanon te nama. Abamwakoro ake a tia n kawaraki bon Onotoa, Tabiteuea Meang ao Maiaki, Abemama, Maiana ao Abaiang. E a tia ni kawaraki naba Butaritari ao Marakei ma aaki moa maeu tiwiita ake a unikaki kioina bwa iai te kanganga nakon aroka ake a uotaki n te tai anne ma e na bon manga kawaraki ao ai ni ikotaki ma nikiran abamwakoro ake e tuai karoko iai te tiim aio.

Teniman ana aobitia te Botaki n Akawa ake a mwananga nako Abemama ao a kabanea 2 tabun te wiiki n mwakuri n te abamwakoro anne

Uoman Fisheries Assistant ake a reita aia kataneiai I Nelson Maritime School for the Pacific Fisheries Officers



W a r e k a rongoron-gon te kataneiai irouia uoman ana karia nako Te Botaki n Akawa ane n te maing.

MINERAL UNIT

Bwaai ni mwakuri (Equipments) mai iroun ESAT Project nakon reirei ake ana waakina kanoan Sandwatch



A tia n roko inanon moan te ririki aio bwaai ni mwakuri ake ana kabonganaaki ibukin mwakurian kanoan te rabakau ae te Sandwatch. A bon rangi n mwaiti bwaai aikai n aron ae iai te dye are e na kabonganaaki n tuoaki ranin taari bwa e rangi n buakaka ke e raoiroi. Iai naba measuring tapes ke te bwai n anai abwaki are e na kabonganaaki n anaaki iai abwakin te bike man tokin te iabuti mai ieta nakon tokin te ora mai inano iaon te bike n te aro bwa e na ataaki bwa iai te bitaki n aron ae kanaki nako ke e riki. Bon iai naba te stop watch ke te tai are e na kona n tauaki maanin bwarobwaron te nao mai i mata ni kabi ao a bon mwaiti riki. Bwaai aikai ni kabane ake a bon kainnanaaki ibukin karaoakin kanoan te Sandwatch.

N te kamataata are e reke man te aobiti are e tabe ma babaaronga kanoan te anga reirei ke te Curriculum Development and Resource Center n tain ana bowi kometen te Sandwatch n te namwakaina ae Beberuare ao e oti iai ae iai kanoan tabeua te Sandwatch are a rin ngkai bwa kanoan taian subjects aika te

Maths, English ao ai te Kiribati. Man atuu n anga reirei aikai ao e na iai taai ake ana karaoaki iai kanoan Sandwatch n aron te katoto teuana ao e kona n rineaki te topic teuana ae Beach, aio teuana kanoan te Sandwatch. Man te topic anne ao a kona ngkanne ataein te reirei n karaoia bwa aia rongorongon ke n kabwarana-koa iai te taeka ae "Beach". Tiaki tii ngaia ma a kona naba n karaoia ataei bwa kanoan aia Maths are a tauui mwiin bwaai ake a noori ao n katea mai iai aia graph ke aia tamnei are ana kakabotaua iaon te tai teuana ma teuana. Bon iai bokin ke ana text book te Sandwatch are bon ngaia ae na kabonganaaki bwa kairan kawaia taan reirei ngkana a karaoa kanoan Sandwatch ma ataein te Moan rinan n reirei iaon Tarawa. Booki aikai ake a bon otanaki iroun Dr Gillian Cambers iaan ana mwane n buoka te Sandwatch. Dr Cambers bon ngaia are e kaira te anga reirei ni maroora iaon te Sandwatch are e karaoaki ma taan reirei man Kaua-rinan ao Junior Secondary School inanon Tebetembwa te ririki ae nako.

....reitana n te atai...

...man te maing..

Aio bon te mwaneka teuana ae rangi n bubura ngkai e a rin kanaon tabeua Sandwatch n aia curriculum ataein te Moan rinan n reirei (Primary School) ngkai bon ngaia are e na kateimatoaa ao ni karikirakea ana atatai te roro ae tabe n rikirake iaon kakawakin ma bonganan ara Bike. Ti aki tii ngaia ma e na buokiia naba te roro ae tabe n rikirake aroia ni kawakina te bike ao ai aanga ake ana riai n waakinii ibukin kamaeuraon ma tararuuan ara bike bwa e na marurung ni kaaitarai kanganga nako man rikiraken iabutin taari ma bibitakin kanoan boong.

N reitaki ma akanne ao tararuakin ara bike n aron katokan karenakoan te maange iaon te bike ao ni katoka kabonganaakina bwa ara kai n nako taari ao e na bon buoka naba kai tokin butin te aoraki nakoira ngaira aomata. Tararuuan ara bike bon tararuuan naba maeuraora.

Need Mamautari Newsletter
Delivered to your email!

Drop us an email at:

subscribe@mfmrd.gov.ki

OR

call (00686)21099

PLANNING UNIT

Tauraoni te Kauntira n Abemama n butimwaea te karikirake iaon katean aia Auti ni Kamwaitoro

...man te atai...

Ae Abemama e a tauraoni ngkai ni butimwaea te karikirake are katean aia auti ni kamwaitoro

Aio are bon te moan mwaneka nakon katean aia auti ni kamwaitoro are ana bon riai moa n kamatoa te boraraoi aio n te tiaaina ao mai ikanne are e tibwa kona n waaki are imwiina are bon te kateitei. N ana kamataata Tienne ao e taekinna ae kanoan te boraraoi aio e bon katuruturuaki iai taben te kauntira n Abemama are e na riai n atai ao ni karaoi n irekereke ma te karikirake aio. Tiaki tii ngaia ma e kamataataki naba iai taben te tia kateitei ke te Contractor are ngaia ae e na katea te auti ni kamwaitoro n te abamwakoro aio. E reitia riki n taekinna Tiena ae kabutakin ma taruaakin te auti n kamwaitoro n te abamwakoro aio e na bon taraia te Kauntira ao tiaki Te Boboti n Akawa n aron are e karaoaki n abamwakoro ake a tia n tei aia auti ni kamwaitoro.

N raonaki ma te mwananga aio ao bon iai naba te aobitia are mwananga man te botaki n mwakuri ae Mwakuri ao Korakora are e iri ibukin noorakin ao kabwaatakin te tabo are e na kateaki iai te auti ni kamwaitoro aio. E na tei aia tabo n kamwaitoro I Kariatebike are bon tei naba iai kawan te Tua.

A bon tii kabanea 2 te bong iaon Abemama naakai kioina ngkai e aki rangi n kainnanao te tai ae rangi n maan karaoakin te mwakuri aio.

Koro nanon ana kora n kaeti Good and Services, ana buoka te Tautaeka n Tiaban nakon te Tautaeka n Kiribati rinanon te rabwata ae OFCF (Overseas Fishery Cooperation Foundation of Japan).



ao ai tii te arona naba ma bwaai ake a karekeaki nakon te Catholic Church Leaders are I Mwanoku Abemama.

Mai ibuakon bwaai n tangira aikai ao bon iai naba buokan Te Eo Farm aika reke n aron te Karaun, te bwam, ao ai taian taura ake a ura man taai. E aki toki ikanne ma bon iai naba buokan te Fisheries Division are i Tanaea n aron bwain nako aia workshop.

N ana kabwarabwara Keizo Takahashi are ngaia ae mwakuri ngkai n te karikirake aio, bwa bootan te kabane mwane n ana buoka Tiaban aio bon \$367,500.00 te mwane n Aotiteria ni

ikotaki ma kantokaia. E reitia riki n kabwarabwara Mr Takahashi bwa aio are bon kanoan ana kai ni baire Good and Services ibukin te ririki ae nako ae 2010 ma a tibwa roko ao ni koro kanoan ana buoka aio n te ririki aei ian kanganga aika aaki kantaningaaki.

Are e a tei man te Tautaeka n Kiribati ni butimwaa bwai n tangira aikai bon Te Tia Koroboki n te Botaki n Akawa ma Karikirakean Kaubwaira mai Marawa ae Ribanaataake Awira ao ai Seiji Ankyu. are e a tei ibukin te karikirake mai Tiaban aei.

Tauraoni te Kauntira n Abemama n butimwaea te karikirake iaon katean aia Auti ni Kamwaitoro



Ni moan wiikin Maati n te namwakaina aio ao e mwananga te kateniman n Tia Koroboki Tiena Tooki man te Botaki n Akawa nako Abemama n tiaaina te boraraoi ma te Kauntira n Abemama ike e a kamatoaaki kanoan te boraraoi ..reitana n te maing...

Ana kanoa CPPL

Kainnаноaki onoman taan mwakuri bwa ana katabwe-naa te tabo n karao iika ae boou are e na bwaibwai iai ana kambwana Kiribati ae te Central Pacific Producers Limited (CPPL) ma uoua kambwana mai itinaniku.

Iai onoman taan mwakuri aika a kainnаноaki ibukin 6 te mwakuri n nako aika ririeta n te tabo n karao iika ae boou reirei are e nang tauraoui ngkai n waaki inanon namwakaina rake aika. Mwakuri aika kainnаноaki aikai bon ibukin te quality control, factory management, marketing and administration, human resources management, stock control, fishing operation management and services. N ana kabwarabwara Te Tia Koroboki n te Botaki n Akawa ae Ribanataake Awira ao e taekinna ae ngkana a reke te koraki aikai ao ana waekoa n kamwanangaaki nako Biiti ibukin reiakinakinaia ni katabeaiia iaan nakoia aika kakaokoro. E taekinna naba Ribanataake ae ana kabanea 2 nakon 3 te mwakaina n reirei n ana tabo ke ana factory te Golden Ocean are i Suva Biiti.

Te katautau bwa n okiia nakai n reirei aron te mwakuri ao e kantaningaaki bwa e na tia ao n bobonga raoi karaoan ana tabo te CPPL are i Betio are ngaia ae e na riki bwa te tabo n karao iika ae boou aio ao mai ikanne are a kantaningaaki naakana onoman akanne bwa ana tauraoui n manga reiakinia taan mwakuri n te kambwana aio are ana bon manga kakaekai naba ibukin kainnаноakiia

riki taan mwakuri n te kambwana aio .Aio ngkai bon te moan kambwana mai Kiribati are e nang tauraoui n iokinibwaia irikon te Ingimea nako aban tinaniku.

N reitan te rongorongo ao bon iai kambwana aika teniua ake ana kaai ni bwaibwai n te kambwana n karao iika aio bwa te Shangai Deep-sea, bon te kambwana n akawa mai Shangai, Golden Ocean are bon te kambwana teuana ae bubura ae tei iaon Biiti ao ni kinaaki naba n te aonnaba n iokinibwaiian te ika nako aban tinaniku ao ai ana kambwana Kiribati ae te Central Pacific Producers Limited ke te CPPL.

Aio bon teuana reitan te kabwaia nakoia ana botan aomata Kiribati are e na kona n manga karekei aia mwakuri te nati n Kiribati ake akea aia mwakuri ao tiaki tii ngaia ma te kambwana naba ni karao iika aio e na bon kabooi naba ana ika mai Kiribati

Ngkana iai nanom ni kan kabea aram n mwakuri aikai ao waekoa reitaki ma te CPPL n te nambwa ae 26067 bwa e na in te kabae ara n te Moanibong ae 4th April, 2011.

Ko kan ataia bwa baikara irarikin taian iika aika e kona ni karaoui am Kambwana ae CPPL? Eng..CPPL e boni kakaraoa naba te Catering nakon taian bootaki n aekai nako ma ana kuuka aika bon rang n oro kangkangiia ake bwain taari n aron;

- te nnewe
- te ibo

- te waro
- te ang
- ao boni taian ika n aonnora n aekai nako..
- Rabono, kiikao ao a maiti riki

E bon raoiroi riki ae ko bon roko n noorii kanoan nako ana aibwaoki.

Ko kainnаноa tannam?

Tai tabwara, e bon teimatoa naba ngkai am Kambwana ae te Cetral Pacific Producer ni kaboonakoi iika n aekai nako n te boou ae rang ni materaoi.

IiKA N ARON AIKAI	TEIN BOOIA
Ikanibong ao Morikoi	1.30/ lbs
Ikan aon ora n aron te tinaemia, Te taa ao Te kungkung ao a bati riki	1.20/ lbs
Rabono ae boou ao te kiika	1.60/ lbs
Te were, te ibo ao te ang	3.60/ lbs
Nnewe	6.85/ lbs
Fillet (irikon te ika n aonnora)	3.50/ lbs
Fillet (irikon te ingimea)	2.95/ lbs
Ice cube	2.00/ plastic ke te bwaketi

